



«Զ» փետրվար 2021 թ

Ք.Երևան

Որոշում N 0074

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) ղեկավարի տեղակալ Սուրեն Ամիրյանս, ուսումնասիրելով.

- 1) Տեսչական մարմնի ղեկավարի 2020 թվականի սեպտեմբերի 11-ի թիվ 20090094 հանձնարարագիրը,
- 2) 2020 թվականի հունվարի 20-ի թիվ 20090094 ստուգման ակտը,
- 3) թիվ 3.8, 3.9, 3.10, 3.13, 3.14 ստուգաթերթերը,
- 4) 2021 թվականի փետրվարի 12-ի վարչական իրավախախտումների վերաբերյալ արձանագրություն կազմելու մասին թիվ 03/827-2021 ծանուցագիրը,
- 5) վարչական իրավախախտումների վերաբերյալ 2021 թվականի փետրվարի 22-ի N 74 արձանագրությունը,
- 6) վարչական իրավախախտումների վերաբերյալ գործի քննությանը մասնակցելու վերաբերյալ 2021 թվականի փետրվարի 22-ի N 03/1420-2021 ծանուցումը,
- 7) ամբուլատոր քարտ՝ Լենա Բաղդասարյանի անունով,
- 8) ամբուլատոր քարտ N 8804,
- 9) ամբուլատոր քարտ N 366



Պարզեցի

1. Նկարագրական մաս

Հիմք ընդունելով «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2-րդ հոդվածի 1-ին մասը, 3-րդ հոդվածի 2-րդ մասը, ՀՀ ք.երևան, Դրոյի փողոց, թիվ 17 շենք հասցեում գործող «Թիվ 16 պոլիկլինիկա» փակ բաժնետիրական ընկերությունում (այսուհետ՝ նաև Ընկերություն), Հայաստանի Հանրապետության առողջապահական և աշխատանքի տեսչական մարմնի ղեկավարի 2020 թվականի սեպտեմբերի 11-ի N 20090094 հանձնարարագրի (Տեսչական մարմնի ղեկավարի 2020 թվականի նոյեմբերի 24-ի, դեկտեմբերի 03-ի, դեկտեմբերի 07-ի «Հանձնարարագիր 20090094 Տեսչական մարմնի ղեկավարի 2020 թվականի սեպտեմբերի 11-ի թիվ 20090094 հանձնարարագրում փոփոխություն կատարելու մասին» և Տեսչական մարմնի ղեկավարի 2020 թվականի դեկտեմբերի 07-ի «Հանձնարարագիր թիվ 20090094 Ստուգման ժամկետը երկարաձգելու մասին») հանձնարարագրի հիման վրա, 2020 թվականի նոյեմբերի 17-ից մինչև 2020 թվականի դեկտեմբերի 21-ը ներառյալ իրականացվել է ստուգում:

«Թիվ 16 պոլիկլինիկա» փակ բաժնետիրական ընկերությունում իրականացված ստուգման արդյունքում գործում առկա նյութերի ուսումնասիրությամբ պարզվել է, որ «Թիվ 16 պոլիկլինիկա» փակ բաժնետիրական ընկերության թերապևտ Անահիտ Քոսակյանի կողմից.

1"Մեծահասակի ամբուլատոր բժշկական քարտ բացելու համար դիմած բնակչին, առողջության առաջնային պահպանման (այսուհետ՝ ԱԱՊ) բժիշկը անձը հաստատող փաստաթղթի (անձնագրի) հիման վրա չի լրացնում այցի հաշվառման ձևը՝ մատենավարման բաժին ներկայանալու համար, որով խախտվել են Հայաստանի Հանրապետության առողջապահության նախարարի 2008 թվականի սեպտեմբերի 24-ի N 17-Ն հրամանի 1-ին հավելվածի 4-րդ կետի և Ստուգաթերթ N 3.10-ի 2-րդ կետի պահանջները:



ՀՀ ԱՆՈՂՋԱԿԱՆՈՒԹՅԱՆ ԵՎ ԱՇԽԱՏԱՆԵՐԻ
ՏԵՍՉԱԿԱՆ ԿՈՐԹԵՐԵՍԻՆ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107

2" Առողջության առաջնային պահպանման բժշկական հաստատությունում բուժող բժիշկը (տեղամասային թերապևտը) դիակի զննում չի կատարել, որի արդյունքում չի հավաստիացել, որ չկան պարտադիր ախտաբանաանատոմիական հերժում կատարելու հիմքերը՝ մահացածի ազգականներից (ամուսին, ծնող, երեխա, թոռ, պապ, տատ, հարազատ եղբայր և քույր) չի վերցրել ախտաբանաանատոմիական հերժումից հրաժարվելու վերաբերյալ գրավոր փաստաթուղթ կամ էլ մահացողի կողմից կենդանության օրոք ախտաբանաանատոմիական հերժումից հրաժարվելու մասին գրավոր փաստաթուղթ: Մեծահասակի ամբուլատոր բժշկական քարտում չի կատարել գրառում Հայաստանի Հանրապետության օրենսդրությամբ սահմանված պարտադիր ախտաբանաանատոմիական հերժում կատարելու հիմքերի բացակայության մասին՝ գրառելով գրառման օրը, ամիսը, տարեթիվը և գրառում կատարողի ստորագրությունը, չի հաստատել իր ստորագրությամբ և չի կցել մեծահասակի ամբուլատոր բժշկական քարտին (Քարտ N 366), որով խախտվել են Հայաստանի Հանրապետության կառավարության 2011 թվականի օգոստոսի 11-ի N 1156-Ն որոշման 1-ին հավելվածի 16-րդ կետի և Ստուգաթերթ N 3.10-ի 33-րդ կետի 1-2-րդ ենթակետերի պահանջները:

3" «18 տարեկանից բարձր անձանց տնային այցերի գրանցամատյան»-ի ձևը համապատասխանում է ՀՀ օրենսդրությամբ սահմանված կարգով հաստատված ձևին, սակայն այն լրացվում է՝ չապահովելով ձևի սյունակների բովանդակությանը համապատասխանող գրառումները, որով խախտվել են Հայաստանի Հանրապետության առողջապահության նախարարի 2013 թվականի հուլիսի 3-ի N 35-Ն հրամանի 7-րդ հավելվածի և Ստուգաթերթ N 3.10-ի 9-րդ կետի 4-րդ ենթակետի պահանջները:

4" «Առողջության առաջնային պահպանման ծառայություններ մատուցող միջին բուժաշխատողի աշխատանքի գրանցամատյան»-ի ձևը համապատասխանում է ՀՀ օրենսդրությամբ սահմանված կարգով հաստատված ձևին, սակայն այն լրացվում է՝ չապահովելով ձևի սյունակների բովանդակությանը համապատասխանող

գրառումները, որով խախտվել են Հայաստանի Հանրապետության առողջապահության նախարարի 2013 թվականի հուլիսի 3-ի N 35-Ն հրամանի 14-րդ հավելվածի և Ստուգաթերթ N 3.10-ի 9-րդ կետի 7-րդ ենթակետի պահանջները:

5" «Տնային այցելությունների ընթացքում ժամանակավոր անաշխատունակության թերթիկների տրամադրման գրանցամատյան»-ի ձևը համապատասխանում է ՀՀ օրենսդրությամբ սահմանված կարգով հաստատված ձևին, սակայն այն լրացվում է՝ չապահովելով բոլոր սյունակների բովանդակությանը համապատասխանող գրառումները, որով խախտվել են Հայաստանի Հանրապետության առողջապահության նախարարի 2008 թվականի օգոստոսի 07-ի N 14-Ն և աշխատանքի և սոցիալական հարցերի նախարարի 2008 թվականի օգոստոսի 11-ի N 109-Ն համատեղ հրամանի 2-րդ հավելվածի 9-րդ կետի, ձև N 4-ի և Ստուգաթերթ N 3.10-ի 9-րդ կետի 11-րդ ենթակետի պահանջները:

6" Չնայած հղիներին թերապևտի կոնսուլտացիաները կատարում են տեղամասային թերապևտների կողմից, սակայն նրանց կողմից չի վարվում և լրացվում «Կանանց կոնսուլտացիայի թերապևտի գրառումների գրանցամատյան»-ի ձևը: Հղիների կոնսուլտացիաների վերաբերյալ գրառումները կատարվում են «Ամբուլատոր-պոլիկլինիկական բժշկական կազմակերպությունների առողջության առաջնային պահպանման ծառայություններ մատուցող միջին բուժաշխատողի աշխատանքի գրանցամատյան»-ի ձևի մեջ, որով խախտվել են Հայաստանի Հանրապետության առողջապահության նախարարի 2014 թվականի մայիսի 6-ի N 16-Ն հրամանի 16-րդ հավելվածի և Ստուգաթերթ N 3.14-ի 7-րդ կետի 15-րդ ենթակետի պահանջները:

7" Չի վարվում «Մահվան դեպքերի գրանցամատյան»-ը: Սկսած 2020 թվականի դեկտեմբերի 10-ից Ընկերությունում սկսել են վարել «Մահվան դեպքերի գրանցամատյան»-ի ձևը՝ հետահայաց այն լրացնելով 2020 թվականի հոկտեմբերի 16-ից՝ չապահանելով ձևի սյունակների բովանդակությանը համապատասխանող գրառումները, որով խախտվել են Հայաստանի Հանրապետության



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԱԽԱՐԱՐԻ
ԿԱԶՄԱԿԵՐՊՈՒԹՅԱՆ
ԲՈՒԹՅԱՆ ԵՎ ԼԱՅՈՒՆՈՒԹՅԱՆ
ՆԱԴԵՐՈՒՄԻ ՆԱԽԱՐԱՐԻ

առողջապահության նախարարի 2013 թվականի հուլիսի 3-ի N 35-Ն հրամանի 11-րդ հավելվածի և Ստուգաթերթ N 3.10-ի 9-րդ կետի 5-րդ ենթակետի պահանջները:

««Թիվ 16 պոլիկլինիկա» փակ բաժնետիրական ընկերության թերապևտ Անահիտ Քոսակյանը հրավիրվել է մասնակցելու Տեսչական մարմնում (ՀՀ ք. Երևան, Նորք-Նարաշ, Ա. Արմենակյան 129) փետրվարի 22-ին կայանալիք վարչական իրավախախտումների վերաբերյալ արձանագրության կազմմանը, պատշաճ կարգով ծանուցվել է, ներկայացել է:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը 2021 թվականի փետրվարի 22-ին կազմվել է վարչական իրավախախտումների վերաբերյալ N 74 արձանագրությունը, որը վարչական իրավախախտումների վերաբերյալ գործի քննության ծանուցագրի հետ միասին առձեռն հանձնվել է Անահիտ Քոսակյանին:

Տեսչական մարմնում (ՀՀ ք. Երևան, Նորք-Նարաշ, Ա. Արմենակյան 129) փետրվարի 26-ին ժամը 12:30-ին տեղի է ունեցել վարչական իրավախախտման վերաբերյալ գործի քննություն, որին Անահիտ Քոսակյանը ներկայացել է: Վերջինս հայտնել է, որ մահերը գրանցվել են կորոնավիրուսային վարակի հետևանքով, այդ իսկ պատճառով չի իրականացվել դիակի զննում, գրանցամատյանների դեպքում նշել է, որ դրանք լրացվում են՝ պահպանելով բոլոր սյունակների բովանդակությունը: Հայտնել է նաև, որ «Կանանց կոնսուլտացիայի թերապևտի գրառումների գրանցամատյան»-ի ձևը չի տրամադրվել, այն վարվում է կանանց կոնսուլտացիայի բաժնում:

2" Պատճառաբանական մաս

Վարչական մարմինը հաստատված է համարում, որ Անահիտ Քոսակյանի կողմից խախտվել են «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետով, Հայաստանի Հանրապետության կառավարության 2011 թվականի օգոստոսի 11-ի N 1156-Ն որոշման 1-ին հավելվածի 16-րդ կետով սահմանված պահանջները:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է Անահիտ Քոսակյանը (AM0332875, ք. Երևան, Ձ. Սարկավագի 131/1):

Վերջինիս կողմից վարչական իրավախախտում կատարելու մեջ առկա է են «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող և ծանրացնող հանգամանքներ:

հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Անահիտ Քոսակյանը կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչարարության հիմունքների և վարչական վարույթի մասին» ՀՀ օրենքի 37-րդ 1-ին մասի համաձայն՝ «Վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները»:

ՀՀ Սահմանադրական դատարանի կողմից թիվ ՍԴՌ-920 որոշմամբ արտահայտված իրավական հետևյալ դիրքորոշմանը. «...Վարչական իրավախախտումների վերաբերյալ ՀՀ օրենսգրքի 9, 32 և 279-րդ հոդվածների համադրված ուսումնասիրությունը վկայում է, որ վարչական պատասխանատվության սկզբունքներից է «պատասխանատվությունը մեղքի համար» սկզբունքը, ինչը նշանակում է, որ վարչական տույժը (պատասխանատվությունը) կարող է կիրառվել միայն վարչական իրավախախտում կատարելու մեջ մեղավոր անձի նկատմամբ...»

Մեղքը, որպես վարչական զանցակազմի սուբյեկտիվ կողմի պարտադիր տարր, հանդիսանում է վարչական պատասխանատվության իրավական միակ նախապայմանն ու նախադրյալը: Վերը շարադրվածի հիման վրա դատարանն արձանագրում է, որ անձի արարքը իրավախախտում որակելու համար անհրաժեշտ

է, որպէսզի հաստատվի նրա մեղքը, որի առկայության պայմաններում միայն արարքը կարող է որակվել որպէս իրավախախտում: Մեղքն անձի հոգեբանական վերաբերմունքն է կատարված արարքի նկատմամբ, որը կարող է դրսևորվել երկու ձևով՝ դիտավորությամբ և անզգուշությամբ: Յուրաքանչյուր դեպքում վարչական իրավախախտում կատարելու մեջ անձի մեղքի առկայությունն ուղղակի պայմանավորված է վերջինիս կողմից իր գործողությունների կառավարման թեկուզ նվազագույն հնարավորությամբ: Եթե անձն օբյեկտիվորեն զրկված է իր գործողությունների հակաիրավական բնույթը գիտակցելու կամ դրանց բացասական հետևանքները կանխատեսելու և կանխելու հնարավորությունից, ապա վերջինիս մեղքը բացակայում է: Իսկ մեղավորության հատկանիշի՝ որպէս զանցակազմի պարտադիր տարրի բացակայությունն ուղղակի բացառում է իրավախախտման առկայությունը, ուստի նաև՝ վարչական պատասխանատվության վրա հասնելը:

Վարչական մարմինը, իրականացնելով գործում առկա հանգամանքների բազմակողմանի, լրիվ և օբյեկտիվ քննարկում, վարչական իրավախախտման վերաբերյալ արձանագրության 1-ին, 4-րդ, 5-րդ, 6-րդ, 7-րդ կետերով արձանագրված խախտումների համար հաստատված չի համարում Անահիտ Քոսակյանի մեղքը, ինչպէս նաև հաստատված չի համարում 3-րդ կետով արձանագրված խախտումը:


«Վարչական իրավախախտումների վերաբերյալ» ՀՀ օրենսգրքի 282-րդ հոդվածի 1-ին մասի համաձայն՝ «Քննելով վարչական իրավախախտման վերաբերյալ գործը, մարմինը (պաշտոնատար անձը) ընդունում է հետևյալ որոշումներից մեկը՝

- 1) վարչական տույժ նշանակելու մասին.
- 2) գործի վարույթը կարճելու մասին»:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230-րդ, 279-րդ, 281-րդ, 283-րդ հոդվածներով և 282-րդ հոդվածի 1-ին մասով՝

Որոշեցի



1. Անահիտ Քոսակյանի՝ որպես խախտում թույլ տված անձի, «Բնակչության բժշկական օգնության և սպասարկման մասին» ՀՀ օրենքի 31-րդ հոդվածի 1-ին մասի 6-րդ կետի պահանջը խախտելու համար՝ «Վարչական իրավախախտումների վերաբերյալ» ՀՀ օրենսգրքի 47.18-րդ հոդվածի 3-րդ մասով ենթարկել վարչական տույժի՝ սահմանված նվազագույն աշխատավարձի քսանապատիկի չափով՝ 20.000 (քսան հազար) ՀՀ դրամ վարչական տուգանքի:


2. Սույն որոշումը ծանուցել Անահիտ Քոսակյանին (ք. Երևան, Ձ. Սարկավազի 131/1):

3. Սույն վարչական ակտն ուժի մեջ է մտնում մասնակիցներին իրազեկելու հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

Շնորհակալություն համագործակցության համար՝

X 

ՍՈՒՐԵՆ ԱՄԻՐՅԱՆ

Signed by: AMIRYAN SUREN 2001840748

ՍՈՒՐԵՆ ԱՄԻՐՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԾԱՌԱԿԱՆ ՍԵՐՎԻՍ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ info@hlib.am

www.hlib.am
Թեժ գիծ՝ 8107